



www.BibleForChildren.org

Medhetethi 3




Addaamey ba machiw de7oy de7iya
asa ubbaas aayo gidiya gisho
Hewaanno gidi sunthis.




Shooshi Godaa Xoossay medhida
do7a ubbaafe aadhida genancho.
Issi gallas shooshi maccasiw,
“Xoossay tuma hintena, ‘Gannatiyan
de7iya mitha ayfe ubbaafe moopite’
gidee?” yaagidi oychis.



Maccasiya
shooshako, “Akay,
Xoossay hessada
gibeenna; nuuni gannate
giddon de7iya mithata ayfe maanaw
danda7oos. Shin Xoossay nuna, ‘Gannate
giddon de7iya mitha ayfe moopite,
bochofite; ixiko hinte
hayqana’ gis” yaagasu.



Shooshay
maccasiw, “Hinte
aykoka hayqeketa.
Xoossay hessa giday,
he mitha ayfiya hinte miiko akeeka
demmidi lo77onne iitaa Xoossada hinte
eranaysa I, eriya gishosa” yaagis.



Maccasiya mitha ayfey maanaw
mal7eyisa, be7anaw lo77eysanne,
cincatethi demmanaw amoyaba
gideysa be7asu. He mitha ayfiyape
ekada masu. Qassi ba azinaska
immin ika mis. Enti mi simmidi,
nam7ayka akeeka
demmidosona. Enti
xire kallo de7eyisa
eridosona. Hessa
gisho, balase
mitha
haythi

sikidi
dancidosona.





Shin Godaa
Xoossay Addaame xeeqidi,
“Addaame, awun de7ay?” yaagis. Addaamey,
“Gannate giddon ne girsa si7ada taani kallo de7iya
gisho yayyada qosetas” yaagis.






Godaa Xoossay,
“Neeni kallo de7eyisa new odiday
oonee? Taani nena moopa gida mitha ayfepe
madiyee?” yaagidi oychis.



Addamey, “Taara daana mela neeni immida
maccasiya he mitha ayfiyape taw immin mas”
yaagis. Godaa Xoossay, maccasiw, “Neeni
hessa ayis oothadii?” yaagidi oychis.
Maccasiya, “Tana shooshay
cimmin mas” yaagasu.







Hessa gisho, enti banta medhetida
biitta oothana mela Godaa Xoossay
Edene Gannatepe enta kessis.




Yaatiidi, de7o immiya mithaako efiya
ogiya naagana mela Kirubeela
geetetiya de7o medhetethatanne
shireti shireti wodhiya tama laco
mashshe Edene Gannatepe
doloha baggara
wothis.




Addamey ba mache Hewaannira aqis. Iya qanthatada adde na7a yelasu. “Goday tana maaddin adde na7a demmas” gada Qaayela gada sunthasu. Iya ishaa Aabela yelasu. Aabeli dorse heemmees qassi Qaayeli biitta oothees.



Undenna wodepe guye, Qaayeli ba gaden kaxida
kathaafe Godaas yarsho yarshis. Shin Aabeli ba dorsa
wudiya giddon bayra yeletidaysa shukidi iya ashuwape
modho bagga yarshis. Goday Aabelanne
iya yarshuwa ekis. Shin Qaayelanne
iya yarshuwa ekibeenna. Hessa
gisho, Qaayeli daro yilotis; iya
som7oy dhumis.



Hessafe guye, Qaayeli ba ishaa Aabelako, “Ane demba
bessi boos” yaagis. Enti demban de7ishin, Qaayeli ba
ishaa Aabela bolla dendidi iya wodhis.




Goday Qaayela, “Ne ishay Aabeli awunee?” yaagidi
oychis. Qaayeli zaaridi, “Taani erike; ta isha naagey
taneyee?” yaagis. Qaayeli Godaa sinthafe keyidi,
Edene baggafe doloha baggan
de7iya Nooda, biittan de7is.



Addaame machiya hara adde na7aa yelasu. Yaatada,
“Qaayeli wodhida Aabela gisho Xoossay taw
hara na7a immis” gada iya
Seeta gada sunthasu.




Addamey Seeta yelidaape guye 800 laythi de7is.
Hara adde naytanne macca nayta yelis.
Addamey 930 laythi de7idi hayqis.




Goday he wode sa7a bolla de7iya asa iitatethi
daridaysanne enta wozanay ubba wode
qopiyabay iita xalaala gididaysa be7idi,
ase ha sa7a bolla medhidaysan
azzanis; ba wozanan daro qiirotis.



Taani ase ayis medhadina gada qiirotas.
Hessa gisho, Goday, “Taani medhida
ase, mehe, do7a, sa7ara gooshetiya
medhetethatanne salo kafota sa7a
bollafe dhaysana” yaagis.




Shin Nohey Godaa sinthan saba demmis. Nohey
Seema, Kaamanne Yaafeta geetetiya heedzu
adde nayta yelis.



Xoossaa Na7aa ammaniya ubbay
merinaa de7uwa laattanaape attishin,
dhayonna mela Xoossay ha alamiya
daro dosida gisho ba issi
Na7aa immis.



2



60



Roome 3:23 Asa ubbay nagara oothidosona; Xoossay entaw immida bonchuwafe haakidi attidosona.

Roome 6:23 Nagara gatey hayqo. Shin Xoossay, nu Godaa Kiristoos Yesuusa baggara immiya imotay merinaa de7o.

Ibraawe 9:27 Asi ubbay issi toho hayqanaw hessafe guye pirdetanaw bessees.

Efesoona 2:8,9 Hinte aadho keehatethan ammanon attideta. Hessika, Xoossaa imotape attishin, hinte ooon bentidaba gidenna. Oonika ceeqetonna mela atotethay bentiday ooon gidenna.



Roome 10:9,10 “Yesuusi Godaa” gada ne doonan markatikonne Xoossay iya hayqope denthidaaysa ne wozanan ammaniko, ne attana. Asi ba wozanan ammanidi xillees; ba doonan markatidi attees.

Yohaanaisa 3:16,17 Xoossaa Na7aa ammaniya ubbay merinaa de7uwa laattanaape attishin, dhayonna mela Xoossay ha alamiya daro dosida gisho ba issi Na7aa immis. Xoossay ba Na7aa ha alamiya kiittiday alamiya pirdanaw gidonashin alamiya iya baggara ashshanaasa.

1 Yohaanaisa 5:11-13 Hiza, markatethay haysa; Xoossay nuus merinaa de7o immis; he de7oyka iya Na7an de7ees yaageysa. Xoossaa Na7ay de7iya oodeska de7oy de7ees. Xoossaa Na7ay bayna oodeska de7oy baawa. Xoossaa Na7an ammaniya hintew merinaa de7oy de7eysa hinte erana mela haysa hintew xaafas.



Medhetethi 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Gofa Bible (gof) The Word for the World International and
The Word for the World Ethiopia

<https://www.bible.com/en-GB/bible/2344/GEN.1.GFBLVF>

©2026 Bible for Children, Inc.

www.M1914.org www.bibleforchildren.org

